



遺民詩卷第五

寶香山人 卓爾堪 子任



申涵光

鳧盟北直廣平人
聰山集

寓金陵東諸知己

去家日已久天寒益顛顛山寺俯諸峰竹陰得
清寄故人知我來凌霜枉高轡劇談見古人心
膽藏無地今人喜梁肉鬼神護權利士貧實可
醜胡以當君意折柬張夜筵燈下盤餐備子貧
與我同乃能致兼味顏熱聽高歌歌終帶涕泗
四海尚甲兵菰蘆有君輩時危耐曲折我拙非

其類

詠古

我聞燕山側昔有黃金臺千金買馬骨遂有壯
士來壯士不為金感君重士心君王不愛馬馬
死鹽車下感會成風雲勲名難與偶昔在泥土
中枵然窮谷叟我來屬時危荒臺迹已沒昭王
在何處坐看燕市月

家誠示舍弟

貴賤有常業雞鳴自甞勉昏昏視朝夕志隨筋
力緩安坐飽梁肉白髮忽已滿智慧老益衰有

志不獲展奮迅赴前期莫羨嵇康懶

先王別氏族支分既云久青也介胄人恥附梁
公後燕秦締宗牒懽然接盃酒豈復論行輩官
尊者居右照耀驚閭里自云左右手榮華倏以
逝棄擲於何有不如思本源天屬古所厚
任裳避徵召蓬居謝州府太守式里門薤水置
屏戶終已口不言美名非所取朱門曳長裾譚
讌雜纓組罄折而周旋無乃自勞苦理亂非我
責苟得慚市賈逍遙林木間清風吹環堵

黃河決

黃河決河水竭蛟龍遠徙車徒步涉去海千里
鼃鼃晝飛生無處所死不可知魚遊松頂泰山
卑龍乎龍乎何時歸

插稻謠

六月無雨迎神擊鼓插稻時水如縷高顙大髯
誰家者奴下肥馬坐溝塗不聞流水潺潺聲但
聞鞭朴聲高呼婦子狂走伏身葦蒲兄耶父耶
彼高顙者去耶

孤女吟

咏晉女也

受君紉素報君醴酒爾時雖未入君房心知爲

君婦君行出賈朝出暮歸今者不返十年空復
啼嚴風下摧百草世事反復何足道孤女空居
恨不速老

匡廬吟問李饒州志清

汝從江右返正當秋鴈分幾時離却鄱江水衣
裘尚帶匡廬雲我聞匡山天下絕飛泉百丈吹
瓊雪香爐五老沒層雲影入波濤峰勢折聞有
陸羽井又有遠公臺李白讀書心所好至今魂
魄應歸來我曾東入吳揚帆下西浙揚子太湖
水滿眼吳山北固皆丘垤十載匡廬幽夢結西

江血滿鄱湖熱兵戈遙隔子猷船汝若曾登可
細說

邯鄲行

西風吹落葉颯颯邯鄲道邯鄲兵火後人家生
白草我聞全盛時珠樓銀燭光琉璃趙女臨窓
調寶瑟樓前走馬黃金羈卽今富貴皆安在惟
有西山青不改君不見遊俠子白日報讐飲都
市亦不見鑪邊倡袿鳳髻明月璫舊城寥落荆
棘裏樓臺粉黛皆茫茫城邊過客飛苦土城上
憑臨日正午照眉池畔落寒鴉不信此地曾歌

舞探雀沙丘去不回霸圖銷歇更堪哀邯鄲之
人思舊主至今猶上武陵臺

春雪歌

北風昨夜吹林莽雪片朝飛大如掌南園老梅
凍不開饑鳥啄落青苔上破屋寒多午未餐擁
衾對雪空長歎去歲雨頻禾爛死冰消委巷生
波瀾吳楚并乾江底圻北方翻作蛟龍宅豪客
椎牛晝殺人彎弓笑入長安陌長安畫閣壓毘
瑜獵罷高縣金僕姑歌聲入夜華燈暖不信人
間有餓夫

村居

不寐關農事侵涼起戴星家貧親草木麥熟畏
雷霆葦路看人頂溪風落鶴翎地幽容午睡蓑
笠挂茅亭

晴

不復衝泥出科頭萬事慵草晴如帶露雲亂自
成峰賒酒憑秋稼占年問老農怪來香細細澤
國滿芙蓉

固關

一路蒼烟曲雙崖跨石門隔林遙負水穴土自

成村棗栗荒城少陶唐舊俗存晚看投宿處雞
犬聚雲根

翠羅峰

亂石松間路憑江竹板樓僧閒終日坐客過偶
然遊防暗攜微火侵寒想弊裘行山有茅屋涕
淚逐扁舟

自蕪湖返棹白門風雨適至

來去逢江雨孤篷亦可憐沙溪清見石漁火夜
連船到處憑雙槳何時得數椽他鄉逼歲暮消
息客心懸

郡中怪張覆輿自西山來

何事須城郭人間復見君一家依澗草短褐帶
山雲薄俗居難定忘形鹿可羣四方多戰伐羨
爾未全聞

遣興

水落村沙暮人烟郡堞西樹分霜月小門逐野
牆低留客須茶竈殘生付藥畦近來詩興發不
復向人題

小築容高卧荒林失曙更人從多難老心向遠
天清野屋懸魚笱霜灘落鴈聲一年看又暮新

月幾回明

己丑早春

看竹臨烟榭行吟入草亭雪消春水白沙暖麥
畦青戰伐何時了艱危已備經行年三十一雙
鬢早星星

雨

暝色連天地柴門處士家茅茨歷風雨雞犬帶
泥沙水岸平菰葉牆陰落豆花荒村三伏過潦
倒負年華

郝元直來

來書期臘雪山寒度春陰病覺村居好貧知友
誼深百年懷古淚隔代老儒心雲外雙峰在何
時共入林

與諸友遊泉亭寺

樹裏泉亭寺山田一徑斜石開門對井岸落雨
衝沙數子行秋色孤罇就野花暫來慚更去康
樂未離家

廣羊絕頂同伯巖作

久別山園路空慚避世心亂離塵日短高卧野
堂深酌酒依紅樹看棋坐碧岑桃源開復閉此

地可重尋

山中回伯巖送至馬服山宿竹林寺明

日別去

曉日浮高塔雞鳴野殿開下看林外路昨夜此
中來砂石搖洛水風烟隔相臺共餐松屑罷分
手各遲回

近津門借宿野寺

抱被溪邊寺征衣入妙香地形兼水陸僧語雜
興亡久雨石門綠先秋塞草黃夜深鐘磬發旅
夢忽清涼

不忘

江上前朝酒同人意不忘衣冠臨水榭烟雨下
金闈入筋龍鬚軟登盤佛手香歸來南北異生
死各茫茫

邯鄲

沙風吹白草羸馬隔年來千載平原塚能令壯
士哀秋烟依滏岸夕鳥下藜臺舊是朝宗路風
塵晝不開

雨後林慮道中早行

曉渡青泥坂秋花亂馬蹄不知山寺近漸覺遠

村低萬事驚鞞鼓孤雲入杖藜薊門高卧處為
訪碧峰西

午橋

野店臨滏口淒涼老樹存斷橋分小市落日下
荒墩無復千家聚曾傷萬馬屯西來雲木秀徑
轉卽吾村

野興

荻岸披微路沙顏一騎通紫鱗迴舍影白鷺下
秋空野況閒能得長吟嬾未窮十年衰柳畔把
釣歷霜風

路氏妹江南使來

骨肉何由見音書隔歲通
雨深楊子驛霜白趙王宮
旅食憐空橐鄉心逐斷蓬
十年戀慈母淚盡北來鴻

又雨

露頂歌村樹層雲進夕涼
池昏鷗更白雨久竹多黃
日月潛何在蛟螭喜太狂
漁歌近茅屋門外卽滄浪

久雨

僻巷青泥滿人家水氣中
草疎催過鴈屐響住

鳴蟲生計貧初問浮名晚
欲空蒼生思白日涕淚落丹楓

宿金提驛

暫宿恒南驛重悲薊北天
山河仍故國民物憶初年
雨濕衣囊重沙頽旅舍偏
衡漳高柳下誰坐釣魚船

新樂守渡

溪漲山雲黑羈遲客夢歸
岸虛沙沒馬村僻水環扉
定有蛟龍鬪難隨燕雀飛
去留俱未可遠望一沾衣

立秋

離家衝伏雨客路已秋風馬踏山雲外身孤野
電中鄉書南去少晚食衆人同何處瞻星月羈
愁厭草蟲

望遠

望遠來津市秋深嗟未還衣裳經雨薄童僕去
家閒舟側隨魚網鑼鳴渡水關誰憐羈客影日
日衆人間

登岱

八首選一

殿閣盤空界燈香出絳霄到門諸念絕終夜百

靈朝石塔馴雙虎天風落阜鵬玉漿如可待未
覺沃州遙

晉陽別周茂山楊猶龍夜宿山居

羸馬荒林暮窺人怪鳥呼日沉山氣合石激水
聲殊客路仍幽興浮生此畏途依然官署月無
地覓村沽

安陽曉行

日出月仍在人烟指驛亭霜畦浮曉白山霧失
遙青童穉遊難憶兵戈此再經追求民力盡一
望草冥冥

鄴中客夜

傷脾停晚食滅燭厭鄰聲舊事思何益羈愁病
易生山風吹鴈落隙月射牀明不見應劉輩何
人在鄴城

飲表兄李志清水村亭子

荷葉裁初服回頭萬事非白雲林外滿朱紱幾
人歸老漸親農務貧能買釣磯卜鄰吾意決晚
計屬郊扉

暑夜

白羽揮清簟蟲鳴已報秋琴樽孤減興兒女瘦

添愁池月浮金鯽盆花結火榴比鄰門可叩為
話竹林幽

春旱

海上戈初罷方隅亦漸寧風多天早赤春旱草
遲青車馬軍輸急帆檣戰血腥不眠思往事飢
饑恐重經

睡起

睡起亭陰直沙邊水氣涼鳥飛低見影松老靜
聞香失學追何及逃名久漸忘近來軒冕客無
札到滄浪

聞淮揚凶荒

昨歲淮揚雨秋禾掩碧濤赤眉連楚塞白骨亂
江臯轉徙春農急遲徊計部勞驚心魂夢裏彷彿
聽呼號

暮春晚熱鄰友來坐花下

早極春城熱朋來坐夕梧解衣攤石几熱酒遠
風鱸竹覆看花暗星流到月無戍樓喧鼓角夜
半有啼烏

院夕

院夕開簾坐攤書滿竹牀無雲風助熱灑水地

生涼蘿葉疎青蔓池花度晚香客來星月下欸
欸說農桑

閒居檢故人書札遣悶

解束翻來札常如見故人兵戈愁少出鄰舍老
多親習靜藏衣幘謀生厭米薪因風傳舊好同
赴碧山春

曉

雀啁憐清曉無營起自徐眼昏仍小睡髮短省
頻梳謝客迴車馬裁書略起居藥欄憎草蔓每
日自揮鋤

獅子腦訪殷伯巖

昨日郡中望此峰當夕陽撥雲尋逸老踏雨到
山堂地隔烽烟盡人傳我輩狂試看空外鴈秋
至已高翔

井陘

有淮陰侯祠

嗚咽城邊水猶疑戰士魂韓祠何日始孤碣至
今存車馬迷山霧牛羊入縣門一燈茅店裏懷
古向誰論

屏迹

滿目生堦草塵沙淨碧空竹新晴更綠雲薄晚

俱紅間可容才劣貧惟祝歲豐古人安避世隨
地有牆東

寄惲十四舍萬時在平定官署

孤亭萬井上几席見羣山旅夢通江水家書隔
固關車徒邊驛苦風雨布衣閒天外思恒嶽秋
雲可共攀

近秋

兀坐閒雙屐莓苔遍水城近秋雲易合當午日
微明忽訝寒蟬至羣喧蟬竦生望晴如望雨家
計倚香秔

獨往

荷香引步屨出郭近長林每立孤霞外誰知獨
往心遠山晴見塔小市晚聞碓歸路沿新月空
牕拂素琴

方爾止來

江北推高隱胡為今在茲可憐烽火後正值雪
霜時舊好君休問人情我漸知回看春日暖且
與醉茅茨

西洞庭

亂離忍渡鴟夷水柔櫓輕檣范子舟人有漁樵

皆素侶地無烽火卽丹丘千家橘柚分田路十
里松杉擁石樓元宋興除高枕過願將蓑笠伴
魚鷗

九日遲客不至

今年九日寒太早菊花未放風淒淒野檻無人
草半死沙村多雨蟲亂啼已命山妻開臘酒頻
看稚子摘霜梨好客不來秋易過況聞西南多
鼓鼙

行藏

行藏久已付黃冠手種疎楊倚碧湍樵徑看雲

隨蠟屐山厨供客待魚竿鷗鳧白汎晴沙闊薜
荔青圍野榻寒不是行歌耽寂樂江湖水渺鴈
歸難

懷古

繁華寂寞俱流水白草蒼葭萬古愁誰令亂蛩
催薄暮可憐落葉又深秋寒沙不辨毛公塚斷
石空傳建德樓眼見昆明吹劫火武陵何處欲
從遊

西郊

風吹荻葉滿魚梁野菊乘秋亦暫香邊郡早寒

沙漠漠水村多雨月蒼蒼常持白羽尋雲壑敢
羨華裾負草堂何事暗蛩催鬢髮一年今已過
重陽

答李長文姜漚思

早向空山戀薜蘿蒼藤古樹伴行歌邊霜夜冷
驚鴻鴈宮草秋深牧駱駝近日文章都下好三
年涕淚野人多柴門水隔平橋斷莫訝無言到
玉珂

村雨

細雨清笳野客悲尚平空有入山期風吹滄口

雙鴻過霜落燕臺萬馬嘶避地何妨拾橡栗畏
人真合隱茅茨天涯到處驚鞀鼓愁卧無心對
酒卮

白侍御函三先生祝髮隱清涼山

野寺清齋衲子同石橋紅葉飽天風世情不到
孤雲外心事全消半偈中海國傳來新白馬山
人誰識舊青驄不嫌詩酒污禪地聽法常來就
遠公

鄴下懷古

漳南落木遶寒雲野雉昏鴉魏武墳不信繁華

成白草還將歌舞屬紅裙西園亂石來三國古
瓦遺書認八分七十二陵空感慨至今誰說漢
將軍

和秋水

天涯烽火倦遊歸剩有山光到竹扉溪畔小堂
新別業日邊喬木舊王畿探幽已截紅藤杖避
事長縣白苧衣為報故人秋雨後青山一覽盡
霏微

劉雲麓避亂來居郡中

空堦新雨鹿苔青有客攜棋伴草亭同屬壯年

吾較老共居斯世汝初經不緣兵火寧移棹反
以憂虞得聚星卷帙長吟消白日莫悲搖落負
山靈

行吟

依然漢月對清宵野岸行吟正寂寥南去旌旗
開百粵西來烽火暗中條風塵滿目歸何黨意
氣傷心已半消安得春農催解甲驚魂不用楚
詞招

已丑生日

行歌何處問幽棲滄口孤城郡堞西漸覺悲歡

從俗嬾漫將懷抱向人低驚猿莫訝頻移樹羸
馬猶能惜障泥烽火近連冬未雪每逢喧樂倍
淒淒

春夜微雪

孤城夜雪動春寒曉見歸雲勢已闌澗水暫消
冰再合山園久涸土猶乾半生草澤驅耕犢干
里沙風落戰鞍多難那堪生計迫青疇日日欲
頻看

春郊

晴烟落日淨暉暉坐愛村橋晚未歸亂後鶯花

春自好城中車馬客來稀
浦沙向暖鴛鴦卧
徑草初青蛺蝶飛
待到南園花滿樹
相過百遍定無違

齊河道中

河流頻入汶陽田
大國笙竿憶惘然
百里豺狼鳴白晝
誰家雞犬卧寒烟
黃榆亂塞門前路
赤地猶橫隔歲船
為報遺黎應努力
軍需方急水衡錢

長安雜興

日落蘆溝沙亂飛
城頭風雨折旌旗
囊空尚欲

沽鄰酒秋盡何人問
客衣絕域草衰蒼
隼隼故園溪淺白
魚肥朱門夜夜鳴
簫鼓未許羈愁夢
暫歸

寄暉十四含萬

秣陵積雪擁歸輪
生死論交十二春
醉記隱憂同涕淚
老逢喧樂總酸辛
天邊甲冑疑無路
海畔菰蘆合有人
聞道近騎緱嶺鶴
大河南望隔風塵

李都五約往竹村
避暑熱不果赴再約
以秋

屢約溪堂訪芰荷長途赤日懶經過遙知亂竹
圍雲水中有幽人獨嘯歌早喜斑鳩呼暮雨曉
催黃犢種秋禾舊遊憶在登高後紅葉青樽入
夢多

城南

時從野老向桑麻無病何妨益鬢華薄海征饒
傳羽檄遙村社鼓隔霜笳客來自剝青桐子日
暮偕看白藕花偶向城南茅店醉歸來溪柳半
藏鴉

暑過

澤國陰多曉自寒荷池花葉未全殘客來正喜
琴樽暇暑過真如法令寬石鼎茶聲看解目藥
欄秋色上雞冠烽烟漸遠西成稔飽食應同父
老懽

靈巖寺

雲外笙簧擁碧霞遊人爭看鐵袈裟虛巖白映
山南日老菊黃垂洞口花溪水過橋喧鶴鶴松
根出石走龍蛇飛梯萬仞棲真地可許尋源問
鹿車

四月六日始暖

柴門烟暖綠初勻三月雖過尚晚春笳鼓不聞
原僻地風霜歷盡自良辰怕臨廣座人憎老只
解閒吟道合貧芍藥柳花休浪度試看烽火照
三秦

豈料

少年猶記遇滄桑土窟山巔日走藏僻性那知
人眼白安居喜見鬢毛蒼心隨麋鹿遊丹壑身
在菰蘆戀草堂豈料臨衰看變態斷蓬漂梗總
茫茫

奉寄孫鍾元先生時居薊門九十二歲

邵許高風遠尚存傳經一代又蘇門庚年近百
衣冠古意氣親人履杖尊客裏桑麻成井邑山
中禮樂自乾坤徒聞處處行窩待數載先生不
出村

懷太原傅青主

曾約溪村訪釣竿數年設榻待君歡亂離苦憶
良朋少衰病應愁遠道難晉國山川容白髮中
原天地此黃冠幸將卷帙傳高迹日向晴牕展
畫看

春過

小園春過綠成圍
鳥雀聲閒客到稀
性好遨遊貧嬾
出身多閱歷
晚知非漫因短髮
憎明鏡敢恃輕寒
換薄衣
聞道滄陽花欲盡
可憐寂寞度芳菲

作屋

門前莫樹籬
欲令烟水接
伐柳作梁柱
門裏長枝葉

郊夕

長堤下冥色
月出野塘虛
何處蒹葭響
烟中人打魚

題明妃畫

五月邊霜毳帳秋
羅衣脫盡換貂裘
蘆笳一夜腸應斷
畫上何緣不白頭

寄路甦生兄弟久寓吳門

六年風雨海門潮
目斷征鴻不可招
記得別時春二月
兩行烟柳濕楓橋

飲野人草堂醉後汎舟漳浦

風吹何處稻花香
醉裏狂歌上野航
怪底不知殘暑在
人家一帶有垂楊

題人野亭

溪上孤亭草樹幽月明常醉木蘭舟門前處處
秋瓜滿猶恐人疑是故侯

黃花谷

竹杖尋源入上方滿山榭葉晚蒼蒼亂碑零落
遊人少一道飛泉下夕陽

雨後

雨後看花踏錦泥殘雲猶傍古橋西黃鶯也解
留春色只在棠梨枝上啼

望嶼山

草徑頻危百丈懸山頭樓閣鎖春烟醉中曾倚

樓前樹當日登臨是少年

坐子勉閣中憶舍弟觀仲久留都下

千里驅車入暮笳御河烟柳半塵沙別來寒食
無多日小閣風吹棟子花

汎舟明湖

茂苑荒臺鹿自遊斷垣衰草隱朱樓宮中只有
明湖水依舊潺湲出御溝

燕京卽事

選二

山前兔急鴈飛號黑霧黃塵落毳袍獵罷歸來
催夜飲江南少婦解弓刀

漢峙秦原罷曉鐘黃綃牙軸市塵封畫圖往往
多隆準傳是先朝舊御容

姜

垓

如須山東萊陽人

挺城

一日復一日道衰仁讓徂鸞鳳失其侶且與燕
雀居朝食橡粟實夜宿蓬蒿廬髣髴還自顧樂
少悲有餘靡靡攬芳草冉冉依井間犁鋤非我
宇行路非我車振衣瞰海嶽結軫臨青徐願得
同氣友寓之尺素書

寄吳駿公

飄飄楊白花溶溶大江水天衢旣阻修良人隔
萬里妾身如飛蓬貞潔聊自矢朝立青雲端暮
倚朱樓裏四顧多徬徨塵沙蔽野起梧桐摧爲
薪蘭蕙化爲枳中夜坐長歎皓首思君子
楚山有良璞昆池有竒琛投之非其主誰能明
我心掩袖向前浦驅車出丹岑延頸蓬島上白
日忽西沉北首瞻行旅邊雨正侵淫念我平生
交淚下霑衣襟

送楊明遠渡江

書記從征日軍諮入幕年六朝京口樹萬里海

門船裘馬誰為主才名自可憐西風征鴈急遲
爾菊花前

已丑仲春鄧尉探梅以雨阻留玄初先
生齋中用高季迪田居韻題贈七首

吹笛江城春事悲靈陂水葉晚離離花憐東閣
懷人日酒困西山卧病時風土新鶯啼更徙歲
華社燕乳猶遲遙臺咫尺君應惜十步愁聞芳
草衰

江天漠漠白雲長鶴蓋鳧舟盡水鄉載雪一春
花不染傍湖千頃霧兼香寄詩遠道傷遲暮卷

幔空山怨夕陽二月蒼苔經雨滑故人高卧欲
迴腸

萬峰渺渺路難窮衣白山人自老翁坐卧荒山
愁對雨飄零故蒂亂經風草堂置酒寒花細小
艇歸莊雪浪空寥落叢香應未減夜來遙憶翠
微中

南州宜有舊儒冠豁達殷勤奉客歡井底多煩
投轄飲烟中空擬放舟看風塵客裏三年久冰
雪花間二月寒為問孤山林處士老妻稚子報
平安

聞道仙人水閣居
漁烟小聚滿村墟
重思亂後
丁年使猶恨
山中甲子書
十畝耕雲梅
自放萬竿步
屨竹新疎
羅浮春色應
須早驛騎
相思已漸除

谷口蒸梨味自全
幾堪老大取人憐
眼逢阮籍
翻愁白書
對楊雄伴
草玄杏柳他鄉
寒食雨烟
花故國百重泉
何時縞素雲霓會
笠澤歸帆夕日邊

山暝鴉啼欲雨
沙南鄰沽酒莫嫌賒
佳人曉睡
冰爲簾公子
宵遊玉作花
屈宋招魂香未散
羊

求欵客徑初斜
月明已照三更夢
采隱相逢處
士家

登靈巖詠懷往蹟

風泉欄堞酒城通
夜夜君王醉舞同
簫管遠街
哀壑急旌旗
返蔽夕陽紅
六龍畫閣虛無裏
雙鳳雲鬟想像中
香徑琴臺俱泯滅
長留明月照吳宮

顧炎武

寧人江南崑山人

勞山歌

勞山拔地九千丈
崔巍勢壓齊之東
下視大海

出日月上接元氣包鴻濛幽巖秘洞難具狀烟
霧合沓來千峰華樓獨收象山景一一環立生
姿容上有巨峰最巔劣數載榛莽無人蹤重厓
複嶺行未極澗壑窈窕來相通天高日入不聞
語悄然萬木含悲風竒花名藥絕凡境世人不
識疑天工云是老子曾遇此後有濟北黃石公
至今號作神人宅憑高結構留仙宮吾聞東岳
泰山為最大虞帝柴望秦皇封其東直走千餘
里山形不絕連虛空自此一山奠海右截然世
界稱域中以外島嶼不可計紛紜出沒多魚龍

八神祠宇在其內往往棋置生金銅古言齊富
次卽墨何以滿目皆蒿蓬捕魚山之旁伐木山
之中猶見山樵與村童春日會鼓聲逢逢此山
之高過岱宗或者其讓雲雨功宣氣生物理則
同旁薄萬古無終窮何時結屋依長松嘯歌山
椒一老翁

大同西口雜詩

駿骨來西部名茶出富陽年年天馬至歲歲酪
奴忙蹴地秋雲白臨爐早耐香和戎真利國烽
火罷邊防

舊日豐州地于今號板升印鹽和菜滑調乳入
茶凝塞北思脣齒河東問股肱獨餘京洛叟終
日戎樓憑

安平君祠

在卽墨縣今廢

太息全齊霸業遺如君真是一男兒功成棧道
迎王日志決危城仗鍾時飢鳥尚銜庭下粒老
牛猶飲穴邊池可憐王建降秦後千古無人解
出奇

劉諫議祠

在昌平舊縣今廢

皂囊青史漫傳名白日黃泉氣未平自古國亡

緣宦者可憐身沒尚書生荒阡草長妖狐出舊
驛風寒倦馬行一自德陵升馭後山河祠廟總
淪傾

居庸關

居庸突兀倚青天一澗泉流鳥道懸百二山河
臨大漠十三陵寢奠雄邊橫分燕代開戎索遠
鑒金元列史編在昔守邦須設險只今刁斗尚
依然

極目危巒望八荒浮雲夕日遍山黃金收燕地
當年大不斷秦城自古長北狩千官隨土木西

來羣盜失金湯空山向晚城先閉寥落居人畏
虎狼

謁周公廟

道化千年後明禋一國中禮猶先世守制比百
王崇配食唯元子丞嘗遍列公祠田還割魯氏
系獨傳東有祭田碑言周公之後東野氏今為東姓舊史書茅闕新詩采
闕宮巋然遺殿在不與漢侯同

衡王府

賜履因齊國分枝自憲宗能言皆詔予山澤盡
疏封地號東秦古王稱叔父恭穿池通海氣起

榭出林容岳里生秋草牛山見夕烽蛇遊宮內
道鳥啄殿前松失國非奔莒亡王不住共雍門
今有歎流涕一相逢

舊滄州

落日空城內停驂問路岐曾經看百戰唯有一
狡獬

圍城 選一

莫向山中問酒家行人一去即天涯長安道上
多男子又得相逢廣柳車

劉城

伯宗江南貴池人
嶧桐後集

蘆人謠

不量舊洲崩只量新洲長不向疎蘆行但向密
蘆丈

大吏量小吏大胥量小胥小胥量萬戶量金不
量蘆

蘆中人亦何苦不怨蘆無花不怨官如虎但怨
大江中無故洲如許

秋懷

十六首選二

黃金亦以盡紅顏亦以衰欲學長年術大藥苦
無資此身同秋草豈得久歲蕤繁憂與嚴霜同

為蒿里師惟有修名在千秋不可欺

秋風既以勁秋雨何淒淒落葉積階砌朱華萎
陂池閒庭浙瀝夜棲鳥斷續啼遊子悲遠道棄
妾怨空閨達人動慷慨貞士抱幾希吾生豈百
卉但傍三春暉

古意寄答陳百史

平陵古荒郊自昔多俠義擊漂一女流深識寃
臣志伯桃遊學徒亶濟友生事千秋瀨水芳一
杯蒲塘記追懷古處心樂此非矜異此事勿云
希人方執高誼

哭史公

大臣誰死國賤子哭燕臺力竭告無罪魂招誓
不迴到今真取義自古所難才南渡從前有惟
公獨可哀

杜宇

欲拜無繇見聞聲尚可尋雲安終古地望帝不
灰心血染花成色魂依鳥作音孤臣亦精衛起
立看橫參

春日漫興五首

選一

真覺從前事事非息黥補劓破重圍不求甚解

書常讀亦欲無言塵豈揮衣製水田領尚濶冠
裁竹籜髮堪晞欠申曝背茅茨裏惟待春深上
釣磯

寄沈崑銅

家瞰江流日夜馳恩讐回首夢中悲望門隔歲
思張儉復壁移時出趙岐南渡只餘花作曲北
來每聽角橫吹故人寥落星辰在勞爾臨風勸
酒卮

題王公儼石泉

甘潔寒流滴瀝來石魂冰魄絕纖埃莫將一勺

通漁棹纔到人間不復迴

冒

襄

辟疆巢民江南如臯人
水繪菴詩存

寒夜聽白三彈琵琶歌

兩月詩酒無不為晨昏放浪窮端倪描畫雪月
罄毫髮撫摩鐘鼎通精微雜沓上客成夙約許
陳譚黃來何遲昨日陳君傳語至白生琵琶絕
愚智非爾空堂響不張大集諸君謀一醉主人
是日值清齋張燈置酒忙安排窺烟異鳥棲紅
沼隔霧紛葩墮紫釵燈出文心寫生手化人幻
巧通蚪蚪五狼枕海迴紫濤乃有竒技如二友

謂凌友製包燈
白三彈琵琶也

那知陳白去他席諸君愴况增不懌

茶聲騰沸松風翻滿堂燈酒徒促刺主人大叫
非吾心七十日來稱朱琴豈有此會阻高深着
屐衝寒愜所尋闖然一聲塞斗室小飲數人靜
如漆交加驩咲步語繁頓令四座無容膝白生
嬾慢真清狂諸君且坐盡一觴我彈琵琶本無
方上窮寥廓下蒼茫朱阮久杳段師失北宋忽
雷難再得只有陳隋遺恨聲千年宛轉纏胸臆
我今為彈聲瑟瑟譜入詩文成絕筆細如幽蘭
微一咲烟視媚行銷衆妙猛如鐵甲攢大羽萬

馬迸落到大纛憂銅聲閉假龍吟拉木風號真
虎嘯忽然玉碎與珠拋緩散播逸不自料我耳
君手無消息霜天古木孤鴻叫白生此技誠難
名陳隋亡國皆文人頓挫瀏漓得至性幽抑怨
斷傳深情我輩飄零悲本地流連傾倒盈心淚
不須慟首濕青衫只覺低迴傷舊事我有萬感
付琵琶我有長歌手八义一滴不飲只謀酒平
生好客無其家且嚼冰雪酬歲暮明年浪迹遊
天涯

秋夜同龔芝麓司馬集紫落山房

多少南朝事樓頭幕府山狂容脫帽坐醉擬射
鵬還燈火秋偏盛英雄老畏閒翩翩徐孝穆宮
體贈紅顏

追憶趙友沂

憶在元規坐交懽趙倚樓酒狂能跳盪詩瘦更
風流賦鵬嗟何遽騎箕恨莫留烏衣門第在每
過只低頭

懷紀伯紫

紀老詩名健飄零氣更適五言追栗里八口住
真州世已歌衰鳳公偏愛海鷗朱門蓬戶似蹤

迹泥羊求

寄吳梅村

鹽官留滯歎蹉跎遺老飄零事若何
萬里烽烟橫白鴈五都荆棘沒銅駝
遙瞻吳苑鄉關隔近接邗江涕淚多
聞道子山消息在白頭紅豆只悲歌

水繪菴送方謙六之燕喜坦菴年伯全

家入關

茅堂兩月共悲歌送子辭家意若何
萬里窮邊迎白髮五更獨客走黃河
長途斥堠烽烟盛逼

歲資裝雨雪多自是天涯懸老眼
揚鞭速去莫蹉跎

顧子兼重來過訪書贈

三十年前過半塘艤舟宅畔共徜徉
珠槃晝擁文壇酒錦瑟宵焚秘閣香
老我愁深懷昔夢逢君病起挾秋霜
蓬蒿細話前朝事海內何人厭老狂

題美人畫冊

半掩香閨靜不譁一枝瘦影只橫斜
凝眸忽漫關情思生小獨兒睡落花

拂地垂楊黛色凝
瑣牕春思溼紅冰
流鶯兩兩空言語
小着羅衣總不勝

與陳其年諸君觀劇作

最無消息是清音
竹肉喧闐未易尋
唱到情來生意思
一絲裊裊碧雲心

贈柳敬亭

憶昔孤軍鄂渚秋
武昌城外戰雲愁
如今衰白誰相問
獨對西風哭故侯

小秦淮曲

複道迴廊畫檻多
菱花牕子貼香羅
朱樓傍晚

開三面五色琉璃射綠波

艇子銀燈唱入城
船中樓上光縱橫
湘文不捲人斜對
中有鸚哥話未成

澹烟絲柳眉橫塘
明月清秋讀謝莊
夾岸哀箏橫笛外
誰家小立怨昏黃

宋

曹

彬臣射陵江南鹽城人

題飲犢圖

神龍安可遜驕虎
亦當衢物變感所思
徙倚獨躊躇
翹蹟懷潁陽
天地與我俱
聖哲不可覲
安能事庸愚
緬懷飲犢人
自與常流殊
志堅不可

遺民詩五
極道大良難拘我心將何為頰首慨桑榆

修禊日登覽湖塔和韻

登高縱流目抗迹摧羽翰俯仰昧節候回顧皆
狂瀾悠悠動山響鳴禽集渚灘惠風蕩羣物白
日麗河干原隰舒新柳拂霄避春寒萬籟揚妙
音蜉蝣付草端夕曛野氣薄斂步尋幽蘭禊事
挹林壑戀此平生歡晤言不能罷並坐重盤桓

題李鏡月遊七星巖圖

陳詩謝匡君轍迹厭平坦翹足周丹壑慷慨騰
風輦更上羅浮巔興來不暇嬾物變感所思扳

星悲世短高雲起危岑清泉澄白眼隨山躡飛
巖藉石意不返披圖發長嘯翛然樂疎散舉動
篤平生惟恐負慙赧卓識凌天外勝遊幸不晚
得家書

出門不覺遠遊子畏孤征旅夢經三月鄉心又
五更荒鐘連夜雨早鴈度江晴莫謂歸期晚秋
深見客情

晚過靈隱寺訪晦大士

曳屐夕陽動疎鐘晚寂然黑猿窺古佛紅樹鎖
飛泉道氣千山外秋風一杖前不須復登眺飯

罷學安禪

登金山

寒碧虛沙立山懸野火奔畫船衝寺面霜堞鎖
江根今古風波地魚龍變化門已知歸路杳處
處總黃昏

得程千一金陵消息

萬山隨爾去孤旅念君情歲月離人重文章避
世輕壯懷窮獵馬寒雨暗江城莫歎秋蓬轉無
心白髮生

晚出鶴林寺

飄然客思繫孤亭曲徑穿林帶數星到處牛羊
歸路險一時烽火夜來青愁中白髮因山改定
裏高僧有鶴聽祇見米顛遺穴在杜鵑花事已
冥冥

晚遊雙峰

客裏西風遶畫樓昔年簫鼓動宸遊六橋柳暗
歸蹄杳萬壑鐘浮野殿秋嶽氣未消南渡恨湖
光偏起越鄉愁芙蓉看罷歌初轉月到疎簾莫
上鈎

甘肅京

建齋江西南豐人
軸圍不焚詩

魏和公吾廬詩

翠微拔地數千尺水閣峻嶒鑿山石季子結廬
據石巔萬壑千峰列几席有時雙手摩青天問
天何處有虞淵南之瓊海北燕市空走人間路
萬里歸來築室曰吾廬丈夫丘壑豈得已

舟赴平西遇任道援云凝叔已過此赴
黎川矣悵然有作兼懷遠遊諸子

逢人岸北臨開棹傳子平西已過車契闊不能
謀信宿壯懷如此作馳驅江天風雨孤篷暗道
路兵戈野店虛異縣往來成阻隔天涯消息更

何如

上新河竹枝詞

日日小潮算大潮初三初八十三朝乘潮來往
漁船小一手扳罾一手搖

史

五

弱翁江南吳江人

泊温州城下望江心寺

蜃氣清如此江心意渺然雲平孤嶼寺樹冷一
洲烟唄發虛巖磬潮歸落日船旅人方有事吟
眺未能前

將之永嘉雨宿錢塘江口

旅宿錢塘夜孤篷亂葦傍潮聲連雨到暝色入
江長千里懷前路五更思故鄉白頭仍有事不
敢問滄浪

游謝公石門山同龍友孟貞

青嶂懸崖斷雙巖峙石門日晴曛草色松綠靜
雲根謝客真同屐桃源別有村天台多瀑水此
處似兒孫

東湖雜詩

鼓角喧前浦防秋士馬過近聞山海動遠戍甲
兵多江草無榮色軍聲有夜歌何堪數遣調烽

火到滄波

極目蒼濤靜晴空雙嶼分霜紅百里橘水白一
湖雲丹鼎留仙火金書尚禹文烟光暄色薄獨
立睇斜曛

西望藏軍洞君王舊事非城空賓客散戎老甲
兵稀香徑埋幽草梧宮暗落暉山頭迷眺處白
鶴自忘歸

張自烈

爾公世山江西袁州人

南樵暮春卽事

數年襍被客他鄉又見流光過短牆草睡不思

春老大林有睡草見之則令人睡見述異志花酣應憶日初長白雲到
眼魂千里青叟隨身影半牀人事淒涼腸欲斷
狂歌何處濯滄浪

護竹

三年閉戶絕埃塵種竹堦前伴此身

乙酉至丁亥寓信州葛川杜門

不出者凡三年戊子將母還袁州

莫遣風來摧折盡兒孫還見舊時

春

林古度

茂之那子福建福清人

新柳篇

東風吹動楊柳時初縈霧縷綰烟絲沿河間陌

方榮樹離雪辭霜始放枝枝頭樹底看仍舊淑
氣纔融春乍透濃澹輕黃尚未勻參差淺碧猶
難驟輕黃淺碧露郊墟借草分蒲嫩有餘裊裊
亭亭嬌且怯纖梢短綫非一葉王恭張緒漫爭
論旅舍邊營正愴魂可堪繫馬章臺畔漸許藏
烏向白門白門紫塞那堪比逗暖凝寒異生死
楚澤拂應齊漢宮眠未起舞出腰肢鬪並柔畫
來眉黛纖能擬此時宛彼欲成行此時攀折待
條長翠樓忽使佳人悔驛路將令遊子傷曳雨
搖烟日猶冷艷李穠桃色俱醒玉關羌笛動遙

聲灞水隋堤弄微影聲聲影影總愁人軟媚飄揚詎可陳渤海高叢爭擬貴金城重見易傷神多少鬢顏銷歇盡曾如楊柳故還新

新燕篇

新燕至語呢喃連翩辭海上迢遞到江南去秋相別年應兩今歲重逢月又三三月晴光啼百鳥爭羣逐隊齊飛繞若似雙棲畫棟春誰如並楚珠簾曉珠簾翠幕屢疑猜畫棟雕梁認幾回寂寞舊巢仍自覓殷勤遠道為誰來來尋故壘添辛苦多少新人更舊主數數身輕楊柳風低

低翅溼梨花雨花邊柳外舞差池掠水銜泥無暇時忽向歌臺拂絃管乍臨妝閣礙游絲一朝復一日朝出暮還入繫縷事猶存司分期已及王謝豪華久已非至今古巷問烏衣莫教侶失情空斷待得雛成秋共歸

雨後殘月

雨罷看殘月光如向滿時四山唯一靜孤閣轉多竒寂寂涼潛透微微影漸移西東聊與辨覺我太眠遲

唐階泰

亭子瞿之四川遠州人

蘇州僦居不得有感

不是碧山妬如何鬼市驕蟹鷓非我力鷓鼠笑
人勞十二峰猶在六千路未遙獨憐朱戶月滿
壁映弓刀

楊

彛

子常江南常熟人

江郎山

江郎三片石聳拔似浮屠聞說陰晴異行看分
合殊種蓮餐道侶對奕少樵夫過客休惆悵天
梯自古無

山有金蓮池

建溪

艇子飄搖下青移對岸峰一灘溪一曲千里石
千重鴻雁應難到鳧鷖亦少逢深潭與急峽曾
說有蛟龍

無題

閨中春思向花溪羅綺紛紛上大堤黃鶯不管
人間事逞着東風不住啼

陳濟生

皇士江南長洲人
選啟禎貴詩

蕪城梅花嶺下拜史相國墓作開律一

首

一坏荒塚面蕪城松柏無多鶯弄聲安得老梅

千百樹落花如土覆麒麟

嚴

熊

武伯江南常熟人

曉景

行李未登程人情盡欲行炊羹飯牛火驚夢叱
驢聲露下寒知重蟾殘澹失明遙聞雞犬處隱
約過荒城

午景

草草歎徒勞晴沙午更高車遙欣近店馬倦疾
投槽酒味醇漓雜人聲去住嘈倚囊成小憩破
瞋首頻搔

暮景

斜照望中垂烟凝山紫時市梢留客滿刹外坐
僧疲塵面急須浣草牀休更移昏燈一兩焰挂
壁伴吟詩

王

璜

元倬江南上元人南陵集

夜者日之餘

日出羣動喧日入羣動寂擾擾百年內誰能卸
羈勒曖曖時向昏悠悠塵慮滌屏息歷嚴更青
燈熒素壁旦晝徒紛營澄懷得簡剔匪直脫誤
書思之疑義析始覺夜氣清遺暉天所錫凜哉

大易言君子貴夕惕

賈徙南王日華沈修能晚過小酌次日

華韻

駭鱗潛重淵驚羽棲層枝達人審物候舒卷從
天時眷懷二三子顧我臨前墀盛夏苦埃鬱溽
暑如蒸炊赤日忽西馳皓月窺梁楣雙桐激清
響拂坐生涼颼塵揮四德頌壘傾三雅卮卽境
屏餘慕怡曠良在茲願言數晨夕析賞無虛期

莊居卽事

薄暮雨霏微停車半掩扉江隨平野去木引亂

鴉飛雞犬驚深巷牛羊下落暉篝燈初晏坐吾
意憺忘歸

和宗子發移居二首

移家依委巷將母侍高堂竹素書千卷蒲荷水
一方坐搜真隱傳時蕪小宗香況有南邨伴賞
奇興不忘

滔滔滄海上眇眇隔江愁楚澤存三戶昭陽寄
一丘飯牛歌夜旦牧豕讀春秋何日山陰棹從
君訪舊遊

題金孝章春草閒房

遺民詩五
坐來春草闕閒房門外囂塵卽異鄉張廌避人
唯竹徑幼安逃海只藜牀披帷斯在稱名士隱
几遙看揖古皇自笑疎慵遺萬事催逋猶有筆
耕忙

吳門訪徐元歎

何處溪山曳短筇誤從城郭訊高踪埋名或恐
同梅福問字曾聞擬顧雍人卧荒菴依落木客
停孤舫聽疎鐘相逢莫語興亡事耕稼惟應學
老農

雷士俊

伯顯陝西涇陽人
艾陵詩集

春日詠懷

牕前有小樹嚴霜凋華滋徘徊獨行行攀條折
其枝沉吟不欲折枝折心恐披豈伊愛此樹二
人手植之牆頭餘落日嫋嫋夕風吹歸鴉飛鳴
過嗚咽涕漣沔

青青道旁柳潺潺澗中水柳枯春復榮水逝來
如駛人生百年間一死無活理佇立臨岐路悠
然念君子焉能乘雲翔阻絕動盈咫登高望丘
墓前後長荆杞聖愚固皆然鮮民悲天地孤鳥
蹲寒樹向夕鳴不已

步登蜀岡上遙望廣陵城獨立衣縹緲颯灑起
風聲大道何盤盤匹馬自孤征荒徑埋瓦礫山
寺空崢嶸日光乍有無白雲樹杪生回首睇吾
廬雙眼淚縱橫

貽孫豹人

知君名已久握手締婚姻短札踰千紙高談輒
十旬情堪同管鮑世自擬朱陳送老干戈際秦
川兩釣綸

月夜同王築夫教場乘涼時築夫令子
季止吾兒毅與偕

緩步行空濶青天遠去低風吹衣嫋嫋月照草
萋萋教子思千卷營生志一犁鄉人分隊語散
坐任東西

曉寢

曙色侵牕紙人聲自近鄰高吟還永夜穩睡忽
清晨覓食聞兒哭披衣歎世屯茅簷多野雀喧
噪亦何頻

寄王築夫

寂寞荒村靜端居念遠朋天寒空樹木水落見
溝塍姱節今人罪竒窮吾道應琴書敦宿好高

步蹈顏曾

冬至曉發港口

旭日含雲霧橫舟古樹斜天空翔鴈鶩澗冷蟄
龍蛇破屋臨危岸荒墳散遠沙千官朝北闕禮
異舊王家

芮

城

嚴尹江南溧陽人

贈廣陵施念山

鳴臬飽腐鼠鳳凰饑竹實取舍分明殊胡為計
得失世人乃不察紛紛競口舌涇流與渭流清
濁詎難識

湯

潛

桴莊江南蘇州人

鴈宕載菊寄謝貞明王子

故人丘壑意動靜此花中日日籬根下閒吟興
不窮色幽如在定香冷欲歸空物亦從緣異山
牕便不同

衲子道明云瀆川陶古石家菊甚好兒

子中偕看有詩二首予亦興發詩以

招之

聞說陶家菊已開乘閒踏過野橋來秋山一路
惟紅葉古逕孤筇半綠苔既有斷雲隨拄杖可

無老衲話深杯蘿門何處通幽曲背指寒花屋
後栽

靳應昇

茶坡江南山陽人
渡河集

廣陵楊花篇

行人莫上廣陵城廣陵楊花傷我情行人莫過
廣陵路一片楊花一回顧憶昔廣陵江水春二
十四橋多麗人膏粟一聲塌城角畫閣珠簾皆
寂寞我來逡巡邗溝涯溝裏溝外空楊花客遊
不問蕃釐觀馬走不向玉鈎斜楊花三月如白
雪日日春風吹不歇風吹花落可奈何祇令愁

人腸欲絕吁嗟乎榮枯哀樂無時休我為君勸
君莫愁風流千古隋天子回首雷塘只廢丘

柴紹炳

虎臣浙江仁和人

卓烈婦

前指揮卓煥妻錢宜人乙
酉揚州郡城陷投水死

廣陵花月擁高樓樓上珠簾珊瑚鈎只道羅綺
鋪繡陌誰知烽火逼江頭旌旗萬隊城邊樹黑
雲如凝矢如注爭鎖妖嬈歸帳來亂捲啼聲隨
馬去卓婦錢女女丈夫勇能截鐵智盤珠策從
張許圍中決氣自聶荆劍底紆登堂破壁陳原
委存身何似潔身美母為妾進箸頭餐妾為母

蹈池中水清瀾碧漪翠連連珠墜滄浪光耀天
懷兒驚碎萍心月帶戚悲殘樹杪烟烈烈幾曾
居媯媯求仁得仁真自樂揚子何如池水香瀨
水娥江相繼作兩地叅天此一身偷生隱忍可
憐人卓家有婦邗江畔千秋生氣豈沉淪前朝
騎馬昨朝死紛紛多見誰及此二十年前余有
言大都女人勝男子

吳山春望和張岱音作

及爾吳山攬落暉江南風景自依依雪消春色
江湖闊樹隱晴烟島嶼微故苑草生麋鹿上高

臺花滿鷓鴣飛誰知目送年華好腸斷登臨淚
濕衣

俞國賢

頽齋浙江山陰藉江南江都人

夏夜讀書

凍雨却炎暑雲月破微障南風竹間來坐久得
清曠燒絜動飛蚊蝙蝠撲衣桁枕簟非不佳一
卷未忍放詩書詎候人吾志頗不償逝將窮鑽
研聊以愜所尚

軍中

蠢爾寇為虐赤子懼迤邐王師飛壓境兵燹方

熾然東山數百里去去無人烟烏鳶啄腐骨烽
燧明高天落日下大營令肅壁壘堅鳴刀起四
野警夜中心懸垢身裹重甲蟬蝨憑緣延寶劍
欲出鈇雕弧不弛弦決背誓滅此埽穢驅腥羶
苟得生靈安豈畏溝壑填丈夫既許國那能圖
萬全

寶刀歌

伊誰百煉錕鍔鐵曾斷生蛟入龍穴一條明水
掌內橫寒芒似積陰山雪有時風雨颯古堂夜
半精靈聲切切滄桑人代屢變更青山黃土埋

英傑寶物斫陣凡幾回星星未見鋒銛缺細仇
肯陷狐狸胸大才終染豺狼血嗚呼我今何幸
乃得此誓與同生復同死

渡黃河作

乘流溯禹鑿眼底足風濤似練寒光遠如山雪
浪高壯心憑跳蕩王事豈賢勞懷古情何限悲
歌瀉濁醪

與史文茲飲月下

砌菊凌霜淨庭柯照月空一盃紅玉艷佳夕素
心同鴈度浮烟外蟲吟敗草中物情猶惜晚吾

鬢已成翁

歸來

銷盡雄心卸鐵衣，扁舟江滸澹然歸。
解條鷹隼秋天曠，脫弔驂騑夜牧肥。
荒圃一區行灌畝，遺書幾卷坐忘機。
擬尋芝草隨商皓，翻惜當年賦采薇。

展先子墓晚歸卽事

罷埽春山歸路遲，東風絲雨帶寒吹。
棲靈鐘動紅橋暝，不信遊人尚水嬉。

沈叔宏

宏度浙江錢塘人

湖上

垂柳垂楊烟朦朧，游絲飛絮飄晴空。
珠勒香車迷曉霧，嬌鶯乳燕啼春風。
憶昔笙歌催日暮，花開花落西陵渡。
彩雲片片撲人衣，猶是蕭娘松柏路。
夜深走馬斷橋頭，鬼啼月黑聲啾啾。

登吳山絕頂

徙倚吳山上，山光晚更清。
孤峰低白日，半嶺夾長城。
海樹連天沒，江潮到越平。
松風何處起，遙逐寺鐘鳴。

遺懷與徐孝先許大辛欲爾

沙鳥飛飛過遠洲故園多病強登樓千山梅蕊
寒爭發十月阿斯凍不流誰道丹砂能却疾那
知白墮未消憂相逢莫問升沉事楓葉蕭蕭起
暮愁

于忠肅祠

于公遺廟南山下旌旆蕭森極望中野老逢春
常薦醴石鼉向晚自嘶風人摩斷碣青霜冷鳥
啄荒苔碧瓦空知倚遙天長劍動暮雲殘照欲
成虹

相思曲

憐儂一夢路千重郎在他鄉復夢儂郎夢來時
儂夢去相思依舊不相逢

旅夜

江南花草正初冬遙憶秦樓十二重覺後忽驚
身在客生憎夢裏五更鐘

吳拱宸

襄宗號華陽散人江南丹徒人
觚齋集

豐城兵火後荒涼竟無客舍

乾坤何處不干戈四海難容一客過觸世姓名
隨地變傷人睂角小心多饑寒勞頓身非屈門
戶江山事總訛縱有桃源千百里也應無地避

風波

離虎丘

萬里風霜十八秋姓名無地不淹留長當佞佛
微嫌髮何用為家半在舟歸思搖搖同野鹿畏
人切切似沙鷗慙勤海湧峰邊水好載淒涼向
北流

遺民集卷第六

寶香山人 卓爾堪 子任選輯

陳恭尹

字元孝廣東羅浮人
獨漉堂集

夷山謠 夷山侯嬴所居

古夷山今平地車馬東西馳屠兒倚刀醉梁園
枯草鷹嘯風公子翩翩持角弓

南岳道中從石浪菴上至高臺寺

晨飯氣始晴初日在山缺紆迴出林莽揖與老
僧別握衣陟天路百里上積雪適來歷崔嵬反
視若丘垤清泠墜冰響淅瀝霜枝折中峰方眇

然將登且當歇

登祝融峰

祝融高不測雲雨及其半濛濛在太古乾坤猶未判九州有餘覽旭日夜中旦臨睨懷百憂因高發南歎

下祝融峰向白門寺道中作

披離中林雪厭浥下山路緣高凜若墜身外不敢顧藤藟援我行飛鳥爭我度我下羣木鳴我上寒雲沍迹從逝溪遠心與幽賞住萬里方自今重期豈能預遲遲聞遠鐘慄慄日將暮

早發新塘浦向廣州東山舟中作

寡出春已生多愁老先及窮簷思良友凍浦命朝楫依依海日上稍稍寒霏入物象交晦明峰雲屢開闔火田赤尚燒水岸青猶溼秀色興遠林芳華冒平陸去目方屢延歸流一何急前禽如退飛昔嶼若遺粒菱蔓或浮沒石竅有呼吸傷哉逝川歎慟矣岐途泣百年曾幾何三十未能立

羅浮蝴蝶歌送屈翁山

羅浮大蝴蝶言是小鳳皇六足盤胸間四翅交

文章脩眉若楊葉繡腹如垂囊仙人愛文采挾
之游帝傍雲霞爲友朋沆瀣爲酒漿倦息珠闕
上饑采若木英四海安足飛來下君子堂堂中
有行子比德共翱翔

游七星巖

立馬眺平蕪蕭蕭見蒼壁不知何處雲飛作茲
山石嵯峨各異勢紛詭非一色旁通類戶牖中
虛成室宅藤根上鬱盤石乳下涓滴時聞鐘磬
鳴宛若仙源隔靈峰互虧蔽微徑緣空隙頗疑
混沌初有此機巧迹遨遊茲已屢歲月真如擲

川原無古今世事空疇昔徘徊倚層巔北風感
行客

宿寶積寺

躋險力未疲白日停西峰將酌石上泉迤邐投
雲松幽寺肅古苔絕壁懸高窻列席就清陰開
襟面涼風石牀倚林標遠眺千里江原野漸微
沒井邑方空濛今古一朝暮宇宙何終窮茫茫
大夢內往哲留其蹤聊爲命壺觴冥寄開心胸

游黃龍洞

春草夏更長洞門藹餘綠晨興理孤策衣露時

露渥緬邈睇衆峰透紆赴長谷粼粼涉溪影蕭
蕭翳巖竹風磴炫雜花雲潭亂雙瀑沫雨晴驟
飛游鱗清可掬荒宮久榛莽石岸多隈曲方齊
昔人蹤茲焉遂幽築

耕田歌

耕田樂耕田苦樂哉樂有年苦哉不可言春未
至先扶犁霜華重土氣肥春已至農事始雞未
鳴耕者起泥汨汨水生光二月稻芽三月打秧
五月收花六月垂垂黃再熟之田始有望三月
打秧六月薈草一熟之田九月始得獲稻上官

不待熟不熟昨日取錢今取穀西鄰典衣東賣
犢黃犢用力且勿苦屠家明日懸爾股

祭幽歌

天低野黑鐘磬冷高臺火炬紅無影招魂竹竿
垂至地萬衆無聲大師睡林根水際光宵冥欲
動不動如有形陰風吹沙利如箭蚱蜢橫飛撲
人面鬼王丈六鬚髮丹金鈴召鬼爭盤餐黃香
插筵月晶晶瓦簋不盈紙衣小倏如聞笑忽而
啼笑何丈夫啼女兒殘形敗血生荒草有棺無
棺安可保骨肉當前喚不聞半夜依人思一飽

綠楊絲繞白楊樹魂來作風歸作雨西頭落日
東頭來後人仍爲今人哀

猿聲歌

十八灘頭波突兀孤舟十夕不得發蒹葭敗葉
鳴括括江天霜滿墜小月烏猿一聲一白髮

送雪公歸耕蒼梧歌

蒼鷹六翮不上天化爲春鳩啄人田壯士有力
不搏虎兩角肥牛耕瘠土毛摧羽落君莫歎龍
屈蛇伸自終古送君耕耕何所有蒼梧之深
山下有牂牁之長浦浦下山田田上野荷鋪來

歸日當午曲枕右肱樹左股萬事不理望膏雨

南海神祠古木綿花歌

祝融帝子天人傑凡材不敢宮前列挺生竒樹
號木綿特立南州持絳節拔地孤根自攫拏排
空直幹無旋折生氣長資渤解寬老鱗不受冰
霜裂青春二月當艷陽觀者千人皆歎絕繁英
貫日下無陰麗色燒天炙能熱堂堂正正勢莫
當密密疎疎隨所設落瓣全鋪細草青飛鬚欲
滿游絲纈似聞昨日銅鼓鳴海神黼黻朝天闕
玉女三千笑口開電光一夜枝頭掣受命扶桑

遺民集卷之五
五
捧日車旌旗片片裁虹蜺六龍戰勝各歸來髭
髯盡化玄黃血不爾花紅何太烈君不見四照
之枝不可尋赤松渺矣火井深爲君歲歲呈丹
心

贈余鴻客

蜀犬不識日羣吠聲狺狺越人賤章甫不以易
文身中原龍戰二十載萬事反覆如朝昏我行
驚懼伏草莽舉國大笑爲愚人何來年少金陵
子肯道相思滿人耳三年覓我二樵間一夕逢
君五羊市傾山倒海見胸臆白日照耀肝腸裏

羈貧無酒留君歡對坐江樓饑不起是時積雨
江上晴丹楓亂落寒蟬鳴長風駕浪作丘壑蜃
樓海市相崢嶸趙佗朽骨爲黃土陸賈詩書亦
何補朝臺空有漢家名浩歎今人不如古今人
古人間容髮舉足之分邈燕越眼前得喪等烟
雲身後是非懸日月怪君茂齡懷抱竒嚴君風
義兼能詩曾窺一二每心折安得天馬無龍駒
荒城氣黑落日短強爲吾子停斯須如君意氣
復何道所願故心終不移

歸舟

舟路翠微上了然知寂機谿聲虛自苔山色靜
相暉飲鹿妨人去棲禽擇木飛物情從所好吾
亦薄言歸

水氣動羣木虛樓飛葉聲風燈無定炤峽月不
終明託宿維舟夜臨瀧未濟情寸心平自若應
任險中行

喜陶苦子還自鹿步

無言終夕坐一雨散微涼自有碧天月隨君歸
草堂荒池餘溜上高柳小星藏世難兼多事爲
歡苦不常

雨夜懷屈翁山

風雨懷人坐無燈亦到明流螢分夜色疎竹聚
秋聲別酒尚餘醉春花今不榮終知吾與子白
髮路傍生

秋晚雜興

繞屋落寒葉日高聞鴈時紙窓明野馬齋鼎熟
蹲鴟少事門開晚多吟卧起遲百年行已矣辛
苦立名爲

西樵送王說作

相送已惆悵清溪更亂鳴未窮生死理難了別

離情細草秋無路長林曉有聲不須今夜月還似昨宵明

送梁器圃歸順德

汀洲初鴈飛送客釣魚磯故里我曾寐深秋君獨歸荻花迎棹起楓葉到城稀爲問先人宅門前柳幾圍

閒居

閒居冬已盡獨坐念將衰霜葉不親樹寒花多苦枝單衣勤向日薄命拙逢時莫作將來計人生未可知

次鳳陽逢中秋

未到問沽酒早投城北闌莫令亡國月得照渡江人世薄功名士秋銷戰伐塵餘生付樽杓留醉上車輪

賣驢

歸鞍太行下南及漢川湄遠歷風霜苦難爲蹇劣姿在予常惜力于汝亦忘疲去落他人手筋骸愁自茲

送離患上人住靜惠州兼懷葉許山

衆水各得月月光元在天道人無去住臨別莫

遺民集六
八
愴然暑氣當船小峰形入閣圓因依賢地主一
定出何年

出門

未有出門意篙師候水涯故人書適至江上夕
初佳白鷺飛閒世青天入曠懷還如張翰去不
復俟同儕

所見

禁裏曾通籍人前不下牀未離阿保手已縮大
夫章一飯中人產千金匹馬裝白頭蓬室者只
自愛糟糠

贈別賴子弦任切剛歸寧都

二子何開朗來知自翠微旅中蔬飯畢江上布
帆歸路密關心短情深出語希後期能不負家
在荔枝磯

送李蒼水兼寄相如

古道今蕪絕吾鄉尚有人老於朋友內覺汝弟
兄真嶺樹寒猶葉邊沙暖不春天涯新得叔風
義好相親

苦吟分得絲字

力窮天地外獨立夕陽時物態皆吾巧春風不

自知舌從荊婦笑香遣穉兒司究竟成何事年
年催鬢絲

冬草得言字

無論南與北一種白連門豈不怨遲暮曾承天
地恩遠風疎勁葉春色聚寒根獨立觀元化悠
悠何所言

寒樹得陰字

非無生氣在孤直未成林幸以不材老能忘時
序心空巢懸宿葉新月下疎陰為報青陽道前
溪雪已深

宿鳥

日暮將何適歸飛尚有林側銜千里翼獨立五
更心山月橫枝淺寒池顧影深幸無彈射患安
夢得于今

藤

遇物時能曲垂天自不斜可憐無尺土亦復着
高花柔是長生道清宜處士家柴門開一角山
月也從遮

夜漏

滴滴來心上錚錚出暗風年流今夜裏天定此

聲中候日隨陰盡占星到曉空誰言良冶手真有授時功

送何不偕之桂林

千里西江路多奇是桂州裂山行巨浪依石上孤舟君見他鄉葉都歸故國流應書得意句相問海東頭

春山

諸峰無近遠若與野人期未改高寒色青青又一時後來花在眼昨夜雪添池擬着泉邊屋從今插短籬

春草

春色來何處南州得最先萌芽依宿燒鮮潔近幽泉力弱猶穿土光遙不隔天自今歸馬後隨地醉須眠

春泉

石上冰初解田間綠已陰無窮資地力不息自天心暗谷藏聲淺平池見底深但令常潤下何用更爲霖

夜潮

自知消長理豈敢恨蹉跎子夜泉心正南天海

運多帶風鳴石岸隨月寫金波曉起看新稼爲霖不是過

茶竈

白竈青鐺子潮州來者精潔宜居近坐小亦利
隨行就隙邀風勢添泉戰火聲尋常饑渴外多
事養浮生

人日新晴卽事

新年連舊雨晴好獨當人兵氣昏南紀天心惜
此晨遠峰偏聳日一鳥自鳴春徵斂村村急桃
花何處津

春陰

春色來何處郊雲密自西釀花成大葉催雨作
新泥野日籠無影遙峰截欲齊良苗今有喜一
爲報烝黎

獄中雜感

二十首選一

一歲聿云暮萬方勞未還濟師江上戍轉粟雪
中山身等齊民列名蠲力役班合將經月繫消
折半生閒

初月

銀河誰下釣天道自張弓色借桑榆日涼生玉

笛風山光開半面人影在牆東不俟居弦望清
輝萬國同

雨後登樓遲孔樵嵐梁器圃不至

江樓頻約落花間亂世幽期豈待閑幾度鶯聲
逢舊國二年春色各柴關新虹映日收殘雨積
水浮天出斷山目極故人居可見布帆無恙夕
空還

送鴈

數聲嘹唳起汀沙亂點晴空暮影斜六翮欲衝
遼海雪一行先別嶺南花但令處處無飛鵞莫

恨年年不到家荇葉蘆芽春漸長無窮烟水在
天涯

太息

高臺爲陸沼爲塵一半揚州是海濱白鳥自飛
烟水上青山不似亂離春松楸永隔興哀地陌
路多逢太息人共道君恩憐物命不教魚鼈近
居民

喜王東村歸

疎星三五未成行魚子花開客到鄉小婦罷啼
牛女夜大家爭解駟驢囊階苔攤席閒眠破鄰

果攀枝徧索嘗走覓城西苦吟伴舊鬚添出幾
莖霜

沛中懷古

漢皇生長難忘處尺土猶書故宅名四海自飛
鴻鵠羽中宵人哭白蛇聲輕沙淺草堪調馬習
俗羣兒敢說兵千載英雄同一轍徐州南是鳳
陽城

鄴中懷古

山河百戰鼎終分歎息漳南日暮雲亂世姦雄
空復爾一家辭賦最憐君銅臺未散吹笙伎石

馬先傳出水文七十二墳秋草徧更無人表漢
將軍

隋宮懷古

穀洛通淮日夜流渚荷宮樹不曾秋十年士女
河邊骨一笑君王鏡裏頭月下虹蜺生水殿天
中絲管在迷樓繁華往事邗溝外風起楊花無
那愁

送姜山上人游南岳

送師西去重低徊曾上衡山絕頂來夏帝碑蕪
蟲篆徧楚天峰斷鴈行迴燈前鬼芋穿沙出霽

後僧門鑿雪開正是到時二三月上方明月下方雷

送譚天水入燕

天涯到日歲方新草嫩郊原漸少塵官路聽雞行
落月帝城騎馬作閒人冰簷屋霽玲瓏曉雪照宮桃
婀娜春雖有故交爲侍從馬卿能賦不妨貧

甘竹灘上留別何皇圖即送之羅浮

一棹橫灘拍拍輕兩厓相揖隔灘聲已傷此地蒼茫別
却羨名山自在行碧落斂雲峰影滿秋

溪彫葉瀑流明他時念汝仙壇上夜半歌成日已生

秋日西郊讌集同岑梵則張穆之陳喬

生王說作高望公卓文仲龐祖如梁

藥亭梁顥若屈泰士屈翁山時翁山

歸自塞上

黍苗無際鴈高飛對酒心知此日稀珠海寺邊游子合
玉門關外故人歸半生歲月看流水百戰山河見落暉
欲灑新亭數行淚南朝風景已全非

遺民集卷之
十五
將發漢口毛子霞在武昌不得更別舟
中夜坐作詩寄之

滄波芳草暮生烟東望離心倍黯然短棹擬過
黃鵠渡輕裝催上白門船遙從江漢分流地坐
到星河欲曉天明日五更應已遠故人殘月正
高眠

送陳人白王問溪歸瓊州

送君歸去不勝情共國猶懸兩月程黎母山前
開晚照蘇公樓外正秋清檳榔過雨垂空地玳
瑁乘潮上古城到日從容問耆舊爲予再拜海

先生

苦雨偶成東家牧止

溼雲寒雨苦相仍便是籃輿出未能溝水繞門
前後路砌苔綠壁兩三層身牽旅夢癡難曉屐
印春泥重不勝徒憶高樓垂柳下昨來名論對
陳登

贈沈方鄴兼送之羅浮

挂帆東近列仙家瑤室璇房路不賒高瀑倚風
時作雨遠峰含日半成霞山人散住蘿葱竹旅
食多烹巨勝花知有婦翁名鮑靚不勞丹竈問

丹砂

送魏和公歸寧都

隔年相見即依依知爾全家住翠微窮海訪人
兵後去孤身攜劍雪中歸灘平橫浦寒流淺楓
照凌江晚葉稀貧賤別離那可道寸心齊與片
帆飛

寄懷何克諫何景雪

君家隱處海雲東水繞青螺一百峰初日芙蓉
三謝句西山薇蕨二賢蹤投竿擬傍羊裘老負
土新成馬鬣封猶感故人嘉惠在相思和夢夜

千重

發舟寄湛用階鍾裴仙湛天石

扶胥古渡水淒淒雨後移舟望轉迷數口寄居
秋草外一身爲客楚雲西家無兄弟依良友地
夾河山畏鼓鼙知己片言應不負亂離妻女藉
提攜

立秋日送雪樵和尚開法曹溪

濟上家風得大機白雲高坐見人稀絕無言處
千花繞欲有行時一葉飛溪水生香迎桂棹嶺
猿隨衆候山扉宮中賜出袈裟在禮向西來舊

祖衣

讀秦紀

詢聲易弭怨難除秦法雖嚴亦甚疎夜半橋邊
呼孺子人間猶有未燒書

東湖曲

柳絲風裏木蘭船夢想東湖已隔年湖北湖南
多月色南湖沽酒北湖眠

大石樓連小石樓上樓遙見珊瑚洲洲邊花艷
誰家女笑擲紅菱打白鷗

增城村居卽事

絲絲寒雨溼飛塵草綠平田不是春伏犢山中
雖有虎農夫爭避帶刀人

方以智

密之江南桐城人後為僧稱無可大師

題馬晴江像

落落梧桐陰蕭蕭桑葉柘手攜數卷書披衣坐
石下左顧命健兒持酒進玉笋右顧見美人采
蘭復盈把擊案當管絃薙草當耕稼此非遼東
田亦非洛陽舍當世好宴樂健兒善迎迓當世
若用兵美人善騎射倚檻臨清池何必構臺榭
獨飲至日莫何必酣長夜北牕可以卧東山可

以駕園林歌舞者一切皆報罷

變擬古詩五首 選二

海霧朝濛濛侵我布衣裳仰首不見天險路陰
茫茫明日出門去味爽束嚴裝烏雲西北馳宿
鳥東南翔郭門風脩脩夾道多白楊徒步安所
之歸來坐空堂有琴不能彈有弓不能張激齒
發哀歌歌短聲何長

屋角多啼烏烏飛尾畢逋啞啞八九子廣州城
上居城中似江南紈綺紛矍瑜交疏飄霧縠土
曲陳笙竽調笑入酒家青絲提一壺主人酌我

盡擊案聲嗚嗚東海出寶劍南海出明珠聽我
歌此聲此聲世所無

乙酉臘月廿四夜

故鄉風俗重今夜兒女班班列堂下今當樹折
巢破時羽毛零落憐枯枝旅舍簷前一回首上
有白髮下黃口望空剪紙告墳墓兩眼淚接三
盃酒難道年年坐死苦海中願為落葉隨飄風
何不可行

君不聞魯仲連千古稱其名既輕富貴甘貧賤
何為出入邯鄲城珠履錦繡日滿座華筵斗酒

嘗虛左先生玉貌不求人飄然來往何不可

看月

一片鍾山月那從嶺外看昔常臨北闕今獨照
南冠萬里天難指三更影易寒夢中兒女路莫
憶舊長安

聞鴈

衡陽無鴈到今過嶺南飛世亂成行少家亡寄
信稀鷓鴣聲共苦鸚鵡語全非鄉國為關塞明
春帶我歸

獨往

同伴都分手麻鞋獨入林一年三變姓十字九
椎心聽慣干戈信愁因風雨深死生容易事所
痛為知音

戊子元旦

旅食誠何地風餐勝五辛驚聞蠻地曲留得漢
家春路可供芒屨天容着幅巾日中頻問影能
作故鄉人

德慶州同子晝飲以式寓作

海外披襟幸着冠莫愁離別只加餐悲歌自信
今生熟亂世原求一醉難屋壁待書還問卜琴

絃挂柱不能彈天南更覺浮雲黑誰用新亭淚
眼看

春興八首 選一

往來過客想平原花滿春盤四座喧盡道蕙蘭
開百畝何愁桃李落東園大夫作賦初非謗公
子能歌未敢言日日登高更臨水送人離別莫
心煩

聽黔調山坡羊

調自邊關到石城此方絃管更多情遊人借得
東風力吹入江南後一聲

山坡羊本起自燕秦邊關後傳
江南法家譜之曰沉水調流至

黔陽別成一調
湖北多彈之

猶憶秦淮賽竹枝青樓沉水易相思眼看到處
生離別何故多彈子夜詞

曾

燦 青藜陝西籍
寧都人

感憤詩 選一

山後撼秋風南牕忽振響衆壑何杳冥林木出
颺颺寒暑一就移生殺在俛仰所以曠士懷登
高非一想

穗城南樓再送董無休歸里

亦有魯仲連亦有管幼安蹈海不帝秦穿榻避

子桓卽此二三子都非世所歡
厓門空灝瀚日夕騰波瀾
此水亦何爲徒成行路難

淮陰釣臺

漢高櫟釜羹劉毅子鵝炙
古人恩與讐遂乃在飲食
至今漂母祠朱費耀霜日

鯉奮江

泊舟澄潭下水落山岢峩
孤村四五家高樹氣蕭瑟
游魚泔泔來不畏網罟密
我時當午食投之以餘粒
大者遽來吞小者還相失
汝本無機心饑來卽倉卒

將立夏戒僕子亟治所田

役衆衆難恃勤懇因已力
吾家號素封不復知稼穡
習慣成自然些窳亦云極
安坐出謀慮紛紜計已忒
因以下畝畝聊用抒悃悞
諸僕蠢且頑所司無常則
勤怠或不齊于此明黜陟
春氣日漸徂衆峰故多色
豈敢自暇豫徒以煩申飭
懷安古所鄙況在衣與食

春歸曲

雨漬落花紅熠熠青膚曉
蹙燕脂濕倚遍闌干香霧
濃藍蓼柳色鶯聲入三月
雙江婪尾春江

頭新漲斷行人有客蕭條不得去馬如蒼狗衣
如鶉去年今日螺川道今年除盡東園草年年
春光是故人不見春來顏色好春來游子歎無
家春去東風燕子斜攀條無計留春住坐向堦
前惜落花

西竺寺苦雨

何代黃金寺人來地覺偏綠沾高礎溼紅委小
池妍古屋生雲霧春江走歲年似從巴峽住日
日聽啼鶉

晴

茅簷留宿雨遠樹見新晴雞犬日中靜山川雲
外生野花遙接水春鳥欲聞聲念爾無拘束年
年空復情

日暮

北風吹落日游子發深思一鳥入雲沒孤舟信
岸移但看芳草處不與昔年期坐久向流水感
君無已時

歲暮武林別葉子九往京口

殘臘無佳日況當離別年布帆從此去江水正
蒼然貧賤生涯路風波亂後天好將今古淚寄

與夕陽傳

玉川門訪小菴不遇

山勢穿風磴泉聲出谷門幽人何處去白日又
黃昏木落龍溪靜天開獅子尊杖頭苔蘚在留
與護雲根

海角亭喜晤南昌涂元星

不知身至此見汝卽情深野草連天沒邊風薄
夕陰途窮愁過客鄉語入歸心海角亭前望吾
生歎陸沈

舟次

一葉信如此橫流何處安故交多忌諱長路竟
艱難潮水三更壯秋風六月寒早知漂泊老悔
不事魚竿

九竒峰訪老僧匡雲

一折復一折乃知山路長崖隨藤作杖門以石
爲梁遠壑故多色野花殊亂香老僧惟好睡不
問客何方

過淵明先生墓道

莫謂南山在能逃亂世名江河消酒力天地感
鐘聲彭澤官三月柴桑老一生爲傷孤竹子何

以不躬耕

中秋前夕

不知今夕月又欲到中秋千嶂夜當戶三更人
倚樓虛風生暗壁落葉下寒流有路難歸去吾
兄尚海頭

望黃河

自此分南北登高竟奈何青天埋綠草白日下
黃河客久音書斷年荒盜賊多東風如箭急不
肯歎蹉跎

江村

柴門深閉曲江邊馬首西風渡石泉秋散荒雞
催落葉草眠小犬吠歸船遠峰高處疑寒雨疎
樹晴餘生晚烟野老心知有客至杖藜呼子網
鱸鱖

贈方爾止

一聞送別秦中句未見已知意氣真天地到今
歸隱士文章自古讓愁人五峰高入風雲色萬
壑晴分草木春此去匡廬看斷壁知君不厭遠
遊頻

恭謁金龍王廟

王姓謝名緒宋末以諸生死難
誓曰黃河倒流即吾報讐之日

下拜遺宮此布袍
觚稜斜日動旌旄
山川何事多新壘
舟楫依然轉舊漕
萬里魚龍南去盡
初秋星斗北來高
茫茫千尺黃河水
不見當年起怒濤

舟過洞庭湖

曉起檣帆出洞庭
君山一點鴈邊青
風迴浪急天無色
到此何人鬢不星

劉文炤

雪舫直隸宛平人
攬蕙堂偶存

同魏爾阜蔣前民登焦山

連朝阻雨瓜洲宿
雨霽同君共涉江
寒影一樓

風色厲驚濤兩岸客
心降懸崖樹老根
全拔廢苑鐘銷僧不撞
洞口至今留漢詔
高蹤千載歎無雙

臨安弔古

中原回首戰雲黃
痛憶當年宋靖康
關塞何人悲帝子
湖山終日醉平章
陳東北闕書三上
洪皓西風鴈一行
毀盡朱仙舊壁壘
却將花鳥固金湯

稽山客懷

江東風景近如何
十里錢塘倚棹過
白髮每從

愁裏盡青山偏是客中多攢宮草沒冬青死禹
廟碑傾古字磨獨有若耶溪畔女秋來猶唱舊
吳歌

泗州道上

極目離離土一丘漢皇陵廟此山頭宮雲有意
終朝變淮水無情逐夜流湯沐昔年曾賜履禾
麻今日不完秋疲驢踏遍殘陽外烟樹蕭蕭動
客愁

清河夜泊

孤舟離緒又清明一挂蒲帆千里程去住向誰

商出處飄零到我負生平雲連海氣天無色風
鼓河流夜有聲襍被春寒眠不穩悽然雙淚落
三更

大悲寺逢僧謝監

我來古寺暗銷魂瓦礫盈堦一徑存僅有爐烟
疑白晝絕無鐘鼓課黃昏頽垣雨洗毘盧面蔓
草塵封方丈門老監逢人蕭索盡慙慙垂淚話
開元

一自居庸賊騎來禁城宮闕望烽開侍中早棄
司農印監視原非戡亂才傳詔亦曾趨暖殿佩

刀無計禦平臺如今頭白何人問風雨柴門永
夜哀

費

密

此度燕峰四川成都人

豐城安汙看梅同徐時浚

天陰翼遠霧山沒青隱隱江平沙逕幽春草發
岡嶺舍舟循斷岸禾黍秀里井叢竹鬱勃深村
樓列舊畚依垣老花樹微香散寒影樹下逢一
翁言簡氣尤渾亦欲卜山居閒田耕半頃

姑蘇洞庭山

天氣頗靜穆理檝冒晨霧風漪蕩蓴藻日晡始

得渡收檣藏曲澗登山亦非暮巷陌甚精潔器
物相市聚風尚雜城郭未盡改野素恣足洽深
探橫樓隱層樹在昔通侯封荒草生塋墓共宿
寒濤間薄醉中夜寤朝來上崎嶇坐見日初吐
山水與田廬歷歷來指顧歸意未有闌相對愜
幽趣

賦得山中人送嵩公還水西

山中人兮不歸寒木落兮夕暉空山寂寂兮日
遲遲誰容與兮搴松枝冰欲堅兮池中蟋蟀鳴
兮牀下剪霜菘將以為羹兮乃周乎原之圃雲

遙遙兮下來風肅肅兮入衣百蟲蟄兮深穴野
雉飛兮其時子遠歸兮山中松子落兮巖樹紅
策杖兮四望澹淒淒兮山容柴門閉兮蒼苔未
有人兮開予懷烟漠漠兮芳草生悵獨坐兮悲
哀繾子兮淹留高樹兮山之樓念子兮歸去孤
舟兮悠悠

江晚

昏氣滿孤嶼此時途尚遙天寒將作雪風急欲
收潮棲鳥黃雲樹歸人白版橋酒家隨意宿明
日進蘭橈

同蔡治田金游西山登秘魔崖望石壁
絕壁幾人到虛崖一望收秋聲生衆木日氣射
殘樓僧少不鳴鼓簾稀只挂鈎却愁山雨重賦
杼捲溪流

種蔬

居江都東
野田村

垂老資無計江城宅累更自移村落住日上野
塍行土瘠深難耨溝長雨易平妻孥皆菜色留
得灌園名

朝天峽

一過朝天峽巴山斷入秦大江流漢水孤艇接

遺民詩六
殘春暮色愁過客風光惑榜人明年在何處杯
酒慰艱辛

沔縣村居

故國不可到春風吹閉門烏巢原上樹花落雨
中村事簡人過少居深褐自尊無書傳弟子耕
鑿在乾坤

棧中

棧閣通秦道青天未易行盡過竒絕處不負有
平生白馬巖中出黃牛壁上耕野花埋輦迹幸
蜀只空名

高郵遇故人

相逢多難後只此是天涯與子躬耕處蒼生尚
幾家朱門齊牧馬白骨亂開花耆舊何人在行
吟感暮鴉

贛州

宗子稱兵出中丞捕反時廟謀資節鉞亂卒倒
旌旗往事餘煙樹新愁倒玉卮南行弔楊僕春
水遠迷離

僊霞嶺

野寺無僧住蝸涎四壁乾人家移絕巘馬迹亂

空壇山色侵苔滑松聲夾路寒遠行猶百舍處
處向南看

小仄

放船直入深山去無路青林有數家煙裏人聲
呼伐木巖邊鳥迹亂開花殘民未死征徭在新
戍頻增驛路譁時見秦中官長過不知何以慰
三巴

送劉與生還廣元兼呈王嶽

送爾西歸意惘然吾家山水復誰憐雲邊短杖
看梅樹雪裏微燈夢杜鵑一郡更思新市後千

峰長在故人前王郎舊有江湖約為寄芝臺詩
幾篇

西鄉縣

雨餘春樹百花稀好處來游却似歸貧賤已甘
人盡笑顛狂未解客何為長隄白日眠牛馬官
路青峰放鹿麋八十老翁居住僻相逢只說太
平時

呂太常潛自歸安移家海陵

銅龍宮闕邈山河臺笠穿雲就薜蘿近渡南徐
藏巷陌久從西塞狎烟波儋荒歲遠成遺老草

木人稀發浩歌可許相邀尋舊約江魚村釀共
婆娑

詠史

山東無足事連衡欲用秦咸陽方逐客歸作大
梁人

少年縱飲博任俠顯諸侯無人求劇孟藏劍宿
娼樓

春晚

顏垣見舊閣佳處在鄰西欲買畫眉鳥非春亦
自啼

古意

久已歷艱辛人情今始解五日織疋布估客嫌
不買

東鄰女如花西鄰女如葉東鄰人作妻西鄰人
作妾

看花莫看梨夢物莫夢水遠姨同我年今年生
一子

掃地得餘光所見何咫尺繫桑有餓人報恩逾
金石

叢薄獲死免取歸作羹嘗恐是人遺物煮熟置

路傍

揚州鈔關河畔酒家

宛轉妖姬小翠鈿
嬌歌送酒一人前
無端罵客高樓上
知是長安惡少年

飲于王楨家夜歸

岼幘歸來酒半消
月中頻望短牆遙
耕夫久斷繁華事
猶取春燈照版橋

濟南官路

官路平鋪十里花
城邊斷柳酒帘斜
一羣駿馬爭馳驟
撲盡韓嫣面上沙

同楊岱與弟崑岐李述上紅橋

飛鳥女堞繞黃昏
火攻猶見舊燒痕
春游畫舫都年少
一路簫聲進水門

古塞上

塞上冰流綠玉河
邊人吹篴向南歌
平沙大磧迷春鴈
千里雲昏雪片多

古意

芳草沿隄春楚楚
花枝開遍清江渚
一羣無數鳥飛來
恐有兒家白鸚鵡

顧有孝

茂倫江南吳江人

送沈留侯偕小阮雲襄北上

春風楊柳拂行舟有美聯翩共遠游入雒陸機
新作賦依劉王粲故多愁舊京朱履三千士荒
塚冬青十一秋湖上青山無恙在獨持盃酒對
羣鷗

酬王西樵

嬾向江頭更挂篷舊游歷歷在江東傷心忍聽
山陽笛淚眼相看暮雨中
柳煙花霧晚春天同上朱樓看月圓無限六朝
佳麗地動人詩思泥人憐

韓

畱

經正石耕北直人
天樵子集

五日與卓文仲登望湖亭

丹陽練湖

不愛城中節幽尋二影孤野亭餘廢址細草斷
平湖白鳥遠還見輕烟近欲無話歸應緩步猶
及醉菖蒲

山行

高下重岡靜潺湲澗水斜細松青接嶺小路白
連沙煙火渺無際農人何處家回看晴遠色雲
樹是天涯

經太湖

舟人同此習臨發更招呼貪載滿船客來浮百
里湖鬪風波力壯背日櫓聲孤自笑愁無用安
危任所如

舟夜

晚發晴光遠青川夜氣平纜遲人在夢舟靜舵
移聲樹過漁家暗潮通月港明鄉關鼙鼓外回
首客心驚

寒夜和贈半千

野曠餘殘照村荒少過人北風門有雪黃葉寺
無鄰霜犬號寒苦山燈照夜貧家居徒四壁久

是客中身

至爾成隱居

輕輪高下疾咿啞過前岡幾費尋村路裁能得
草堂入門驚白髮把酒勸斜陽話到兵戈事還
愁問故鄉

曉起獨步

草堂冰雪慢卧穩夢魂低殘月車聲早新晴稼
事齊風林多鳥迹山徑信牛蹄黃葉飛霜徧孤
吟遶石谿

夢後作

夢醒淚痕在還吞夢裏聲那堪岐路口才送老
親行荒壁下殘月涼風吹五更遙心淒斷處寥
落一雞鳴

可笑

可笑一生事由來錯料多有時還自語無地著
狂歌世故客中盡少年愁處過飄蓬損真性辛
苦甚兵戈

望天台

望裏天台近羣峰秀幾重迴看青嶂斷忽有白
雲封絕壁垂樵徑春泥陷虎蹤石橋今夜月應

為照長松

除草

叢生元可厭況乃近當門踏處偏能長荒來轉
易繁後時防接踵此日貴除根豈似中堂菊扶
疎獨感恩

偶讀家君子自閩中所寄手書

悽然有懷

傷魂燈下自踟躕一紙重看往日書蹤迹不知
何處在兵戈已是十年餘心孤白髮愁應短身
遠青山夢未疎為報故園凋敝盡那堪禾黍見
丘墟

與田來聰遠樵青訪菊農花圃

野老生涯寄綠陰清溪肅肅槿籬深幾家芳草
通花塢一徑秋聲入竹林風雨鋤園中有法歲
時灌菊外無心日長柴戶閒多閉只許幽人載
酒尋

憶六兄

荒村烟雨自淒迷落盡楊花綠草齊幾處春風
渾涕淚十年何日不東西遙天飄渺看歸鴈孤
館蒼涼待曉雞欲問愁人無限意青山迢遞暮
雲低

雨中送春

綠草疎籬映水濱清溪寂寂四無鄰一簾細雨
仍飛燕幾日殘花又送春多病翻愁今夜酒傷
心如別故鄉人明年客迹知何在早向天涯慰
苦辛

九日登雞鳴山

聞道東籬菊已黃無因移向酒樽傍西風忽起
野烟暮落葉亂飛山樹蒼鴈帶寒聲歸渚急江
涵秋色與天長浮雲遮盡登高眼不許愁人望
故鄉

贈山中主人

五畝桑陰屋一間幽溪麋鹿到柴關常邀晴月
坐臨水自借蹇驢騎看山聽鳥每貪清曉睡賦
詩多得十年閒籬前只有漁樵路野衲孤雲自
往還

高

兆

雲客固齋福建侯官人
遺安堂草

送徐存永移家長沙

晨登南山阪俯視無諸城城中馬蕭蕭城外浮
雲橫樓觀新燒焚飛鳥盤空鳴斯民服徭役春
田蕪不耕我有明哲交去鄉事遠行荷擔將妻

子云為長沙氓長沙卑溼地所樂今休兵為問
賈太傅還過弔屈平我有出關志懷土終未成
空持一尊酒送子雙淚併君過黃陵下斑竹臨
江清何以裁長笛吹此故園情

湯御史行

有序

湯公諱芬字芳侯嘉興人庚辰進士
以說大帥遇害於福寧州寧德縣藁
葬海濱越十五年壬寅其子騏字千
里披荆榛刺血滴土得其骨負以歸
烈皇死國忠臣盡四海南奔那足問天隅流落

故臺郎夜行獨出秦川郡繡衣滅裂垂兩肩傷
心鐵印磨腰穿嬰城故人總開府樓江諸將空
樓船樓船殺氣星如掃孤臣匍匐炎天道白頭
已殉由拳城一身猶赴田橫島新市邯鄲各有
君攀龍附鳳爭將軍怪爾能簪解豸筆徒步來
穿虎豹羣座上風雲叱咤起義兒負劍冠披靡
魯連未解平原圍酈生已向歷城死海天昏黃
血模糊老翁手提七尺軀緼火登丘舉長鍤黃
泥白草鳴妖狐同時節士聞太息纍纍積石橫
胸臆行人那識御史墳飛沙已沒墓門棘此事

虛無十五春中原大節久沉淪有子尚收文舉
獄招魂誰問汨羅津太白蒼蒼落日急孤兒脫
繫思翁泣從亡奴僕死凋零經過親串病呼吸
辭家痛哭入南方足繭眼穿逐風霜寧陽城外
知何處霍童山前空斷腸斷腸悠悠行路者自
言家住荒丘下曾看生際玉貌身嘗騎死後青
驄馬嗚呼公子且莫哀縣官清野令風雷明朝
下帖開邊障老兵負弩除草萊十里沙礫百里
海波濤滄湊墟里改麻衣一望沙田號土人共
指銀魚在重泉初開日月昏觀者辟易聲淚吞

温序髭鬚飄颻動卻缺頭顱精爽存孤兒抱持
眼流血血落草枯肝腸絕衣冠重裹栢榔新關
山仍導烏臺節吁嗟乎湯公歸去石塚高黑頭
孝子埽林臯可憐玉匣無消息春風何地長黃
蒿

荷蘭使船歌 代友人紀事

乙巳冬十月鈴閣日清秘撫軍坐籌邊頗及荷
蘭事幕下盛才賢共請窺其使連騎出城隅江
聲來溟滬橫流蔽大舶望之若山墜千重列樓
櫓五色飄幡幟飛廬環木偶 船上周遭刻木
偶如人以疑遠 層艦舍

火器

大佛郎機百位含伏艦中

畫革既彌縫

外裹牛革

丹漆還塗斲

每月塗伽馬漆一週故堅固

叩舷同堅城連鑠足馳騎佇立望崇

高真非東南利某也亦賓客縋藤許登跂番兒

候雀室探首若鬼魅

上下以藤結梯雀室船中候望之實番兒見客緣梯從竇探首以手援引

攝衣升及半火攻炫長技煙霧橫腰合雷電交

足至

客登舶施放諸砲為敬

譯使前致辭此其事大義其上

容千人方車矧并轡其人各垂手周行若沈思

船上人無事則負手閒行竟日千周不息不測其故

中央匱指南樞紐浮天地

船中

央以匱閉大羅經為行舟指南之主最鄭重

鐵軸夾其間凌雲百丈植

桅檣皆鐵裏束

七帆恒并張八風無定吹

帆以布凡七張之受八面之風

沓施如網

羅坐卧引猿臂

帆綵交結如網船人暇升

下觀空洞底

委積於焉寄

船下數層深數丈

懸釜爇飲食

船第二層以四鐵索懸大金作食

載

土滋種蒔

船面有土種蔬

但可歎博厚安能測深邃船師

亦國臣逢迎慰臨蒞坐我卧榻旁矍瑜足明媚

雕櫺障玻瓈

船盡處懸皆玻瓈

懸桁垂卣觶

飲器皆以桁懸懼舟行傾仄

發

筥云葡萄酒洗盞注翡翠高瀉成貫珠傳飲勸霑

醉

國俗行酒以傾瀉杯中成珠為禮

銀槃薦瓜蔬風味頗浸漬

瓜蔬味酸脆碧

餐

豈欲傾其釀因之窮審視明明簪筆邊

木為筆如冠簪

而

半卷有文字繪事江海迹水道何太備島嶼

分微茫山川入詳委

是日于其貯筆處得一卷長丈許繪畫山水各有番字如蟻分識其下考之皆

五虎門內外沿海地圖及水深淺處詰問譯人以識水停船為對時使者相視旁皇

觀圖見包藏寧惟

一驕恣上馬大橋頭目送增憂惴嗚乎通王貢

詎可忘覲伺周防勿逡巡公其戒將吏颺去勢

已形禮義不足餌

紅毛行

代友人作

海邊黔首重足立海外紅毛交臂入連天之舸

遮南臺車馬紛紛岸旁集細氍大笠紅縐衣金

紐連綿錦帶圍手中骨朶銀花繡胯下文鞞鐵

葉輝北來駿馬西番轡騎向雙門似隼飛外藩

大府日禮宴灑酒椎牛官長羨柔遠之義爭撫

軍軍門循例開廚傳牙旌日麗鐘鼓喧鳴吹
角上轅門老番碧眼散黃髮兩兩騎過升堂軒
黑面玄髮一百箇脫笠橫刀兩旁坐領悅紛披
白似霜短衣爛熳紅如火當筵致辭謝鼎烹旋
催蘇合沸銀鐙曼頭煤漉出黃玉牛孺燔炙成
金擘韜手之韋一時脫俗以柔韋韜
手具食脫之沾濡案席聞
芳辣中有紅毛稱白丹座中漢語時嘈咕軍官
認是漳州民荷蘭種落寧其倫指揮玄髮起獻
壽大言其刀皆有神倏然拔鞘萬蛟動走電呼
風遶畫棟清光盤孛旌旗龍天影低昂幘幘鳳

亭亭入手繞指柔直轟一鳴金石愁銀絲刻畫
吐番字金環錯鏤吞寶鉤銅弦旋張銅琴鼓錚
鉉亂撥落風雨拘竹張絲倚臂彈拍手躡肩跳
梁舞青天白日變海邦魑魅魍魎滿公堂紛紛
兵氣衆目動森森異物心魂揚從官兵衛空咤
叱軍仗數動鈴閣下撫軍南面威儀尊如山不
動神姿暇樂人承宣趨阼階平番曲奏清塵埃
羣番皆起下伏地膝行牽馬過行臺退開東閣
思封事白髮籌邊真盡瘁手把尚書遺奏看對
予雙下龍鍾淚

陸世塗

彥脩江南長洲人

虎丘訪倪天章

風雨空山旅思催
筇輿泥坂意徘徊
澗鄰古鶴雲初出
酒暖高樓客正來
媿我性偏長閉戶
愛君詩好樂銜杯
醉中莫話當年事
極目江南盡可哀

潘問奇

雪帆浙江錢塘人
拜鵬堂詩集

夾山寺

窈窕來深谷
千峰遶寺平
墓田耕石骨
樵徑入松聲
地古春難到
山寒水自生
上方茶椀罷
塵

夢此時清

穎橋晚宿

黃昏到新息
此地古來荒
店小門臨樹
茅穿月射牀
青芻喧櫪馬
黑水度山狼
燭盡時聞拆
征人苦夜長

自磁州趨邯鄲途中卽事

中宵聞鬻發
日出走黃沙
風力能飛石
河冰不陷車
郊寒騰俊鶻
樹老立飢鴉
傍午停征轡
炊烟得幾家

讀史

昆池夜火失金川望帝歸時化蜀鵲家譜縱編
洪武紀史書難革建文年旣由鼃錯雖無及事
續周公恐不然誰向長陵求木石西山老佛起
新阡

肅寧

縣有故璫魏忠賢
第宅遺址尚存

肅寧池館舊連阡過客追思鹿馬年齊國豎刁
呼尚父漢朝名士拜中涓北司計就書難上元
祐碑成事可憐獨喜春來吳楚地左楊祠火正
喧闐

次郊縣憶孫白谷督師事感賦

王師百萬此專征慷慨中宵變鼓聲一戰河山
成鉅鹿九邊精銳哭長平期門舊屬邯鄲將玉
帳初非趙括兵敗績祇因天意改我來懷古獨
霑纓

送雲侶上人之嶺南

杖入羅浮可乞靈軍持此去濯滄溟鬚逢木客
形偏古山愛詩僧色倍青蜜戶釀花蜂自醉虵
身留毒礪長腥日南風俗從來異椎髻黎人看
講經

春晴

柳欲成綿氣已和芳辰誰為采蘭過江橋驗水
隨春長野菜連筐逼社多藏竹雉媒迷淺草近
村牛路少青莎溪翁又報清明過好學銅鞮去
踏歌

劍

彩膩桃花血尚新匣橫秋水不生塵攜歸葬在
豐城獄濁世今無可贈人

王

巖

平格築夫陝西長安人

送雷伯顛之鹽場

壯心銷欲盡寥落又東行晚歲經飢渴窮途別

友生人烟依海市沙鳥渡潮聲此地藏名好全
忘世上情

慰僕

持盃勸僮僕道遠莫辭勞天地存吾輩艱難賴
爾曹寒風吹短鬢急雪打征袍千里同甘苦防
身脫寶刀

魏應星

弁山江南興化人

促織行

促織驚嬾婦婦歎無所織倚樓望明月門戶生
杞棘今年絲雖貴筐箱盈萬億買絲忙上軸軋

軋無停息豈不畏苦辛將以謀生殖秋風颯颯
生租吏相催逼怒目坐我牀懷中取官勅攫去
忍無言禍至恐不測爾蟲顧何知夜夜鳴我側
嗚咽入空房月暗風沙黑

相見陂

陂有大小名相見甚言見之難也周
遭百餘里千峰莽立拔地障天荒籐
古蔓中夷獠出沒行人駭視結隊啣
枚竟日方抵山麓焉

黔山之南山更惡嗟峨百里羅蠻貉冰稜鐵硤

屹相向奔風吼霧交格搏赤者如血白如膏疑
是造物施丹堊陂前駐車望山頂人如豆花馬
如萼玃獠出洞窺人行手裂猿獾欲相噉危巒
仄立吐嵐烟怪石嗟呀挂籐角秋陽爍骨無人
坐毒泉流惡那堪酌憶昔都門謁政府聞道牂
牁如太古豈知鳥道入黔陽猪音偷面彌山塢
轉硤誰家開紫薇山榴叢雜蠻姑舞腰下寶刀
雪萬片胸前縷帶垂雙乳呼兒車中莫言笑此
輩反面如豺虎

東莊

桃花雨過麥溪漲家家脂軸高原上車腸擊水
勢如抽一夜枯塘生白浪短禾裊絲爭水綠一
日二日生氣足細雨纖纖濕短鏡春塍如油土
花黑棟花初放柘陰濃岸幘行吟受好風前坨
兒開田鼓鳴鳴一曲短牆東牆東麥隴高低亞
驅犢鳴鞭入子夜伊啞枕桔響秋空舉頭月落
茅簷下黯澹青燈半掩扉披星擔草飯牛肥誰
家野碓舂聲急驚起啼鳥掠翅飛

胡春生

夏昌江南歙縣月潭里人
赤岸詩稿

九日坐雨

野雲低壓屋到眼作愁城溼葉封蟲戶荒郵滯
客程空囊詩蝕字淨社菊寒英自藉雙螯醉猶
然百感生

蔬堂坐雨

老燕不能去小堂風雨生樹寒烟藉影蕉破露
為聲短夢事難記名山業未成蕭涼嘗擁八一
靜得餘情

懷凌井心

諱駟字龍翰為督師李建泰監軍後
以御史偕從子潤生死歸德之難

督師從賊辱疆場御史魂歸是國殤生畏西
歌振鷺死留雙廟祀睢陽金正江文故里名相

識父子同時姓亦香用疏廣受稱父子事漫把封書重灑淚
伍胥濤尚湧錢塘

絕句

楊花送行人榆莢沽別酒杜鵑歌一曲芍藥持在手

芳草鷓鴣啼東日復入西我亦南歸客聞之淚滿衣

洪

瀛

仙客江南歙縣洪源人善愁堂稿

烏夜啼

城頭烏啼霜月下戍婦依母孀寒夜夢回呼母

語兢兢夫壻歸來箭在棚疊疊銀鞍橫白刃層層鐵鎧裹紅冰母云我女愁思多夫壻終當奏凱歌昔年汝父榆關去戰骨猶存無定河烏啼無聲霜月泣一夜孤衾淚如織

冬夜雨後次覺苑感懷

古風今雨感秋魂蕭索僧除冷未溫薜荔香銷空附水木蘭皮脫獨思根殘燈牕下留詩影落葉江頭滴淚痕欲識北臣心內事數聲歸鴈哭黃昏

秦淮舟泛

遺民言六
四
六朝餘韻賦高樓極目秦淮放小舟處處雲因
歌吹駐年年水爲畫圖流一簾月影香生夢半
枕風聲客弔秋桃葉可憐空有楫相思仍在板
橋頭

秋星

太白昏時看未真驚西一昴架夫辰少微犯處
高賢死空向南郊祀老人

